



ATASSUT  
Postboks 399  
3900 Nuuk  
+299323366  
Fax: +299325840  
[Atassut@greenet.gl](mailto:Atassut@greenet.gl)  
[www.atassut.gl](http://www.atassut.gl)

Nuuk 02.01.2007

Inatsisartut suleriaasianni § 36, immikkoortoq 1 naapertorlugu matumuuna imaattumik  
Naalakkersuisunut apeqquteqarpugut:

**Apeqqut: KNI A/S-imik patajaatsumik ingerlatsisoqaqqilernissaa anguniarlugu iliuusissanik qanoq ittunik Naalakkersuisut pilersaaruteqarpat?**

(ATASSUT-ip Inatsisartuni ilaasortaatitai: Augusta Salling, Ellen Christoffersen, Kristian Jeremiassen, Thomas Kristensen, Godmand Rasmussen)

**Tunngavilersuut:**

KNI A/S 1. juli 1997-imili pilersinneqarmat suliffeqarfissuaq ingerlatsinikkut aningasaqarnikkullu patajaatsumik toqqammaveqarluni annertunertigut ingerlanneqarsimavoq. Naak massa suliffeqarfissuuup immikkoortoqarfia Pisiffik A/S namminersortungorsarneqaraluartoq annertuunngorlugit ataasiakkaarlugillu nioqqtissanik suliffeqarfissuuup nunaqarfinnut illoqarfinnullu avinngarusimasunut kiffartuussinera ajunngitsumik ineriertortinnejarsimavoq, tamannalu piffissap ingerlanerani siulersuisuusartunut akisussaassusilimmik suliffeqarfissuuup aqutsisoqarsimaneranik pissuteqarpoq.

Taamaammat ATASSUT-mit pissutissaqarluartutut misigismalluta KNI A/S pillugu Inatsisartut peqqussutaata allanngortinnejarnissaanik, taamaaliornikkut suliffeqarfissuuup annertusarnejarnissaanik pisinnaatitsisusiliinissaq akuersaaqataaffigaarput, taamaaliornikkut KNI A/S nunaqarfinnut nioqqtissanik assartuivik Royal Arctic Bygdeservice A/S aammalu Arctic Umiaq Line A/S-ip nunaqarfinniit nunaqarfinnullu ilaasunik assartuinera KNI A/S-imit tiguneqassasoq kiisalu Nuka A/S-imik KNI A/S-ip tigusinissaa aqutissiuunneqarpoq.

Taamaalluta Nuka A/S 1. januar 2005-imi KNI A/S-imit tiguneqassasoq aammalu RAB A/S tamakkiisumik 1. januar 2006 KNI A/S-imit tiguneqassasoq Inatsisartuni akuersaaqataavugut.

Kisiannili ukiut marluunngitsulluunniit ingerlareersllu ajoraluartumik paasinarsivoq aalajangiineq taanna KNI A/S-imut ajorluinnartumik kinguneqalersimasoq.

Taamaammat matumuuna ATASSUT-mit Naalakkersuisunut apeqqutigaarput KNI A/S-imu patajaatsumik ingerlatsisoqaqqilernissaa anguniarlugu iliuusissanik qanoq ittunik Naalakkersuisut pilersaaruteqarpat?

Taamatuttaaq apeqqutit makku akineqarnissaat kissaatigaarput:

- 1) Sorpiaat pissutaappat ingerlatseqatigiiffinnik marlunnik eqqartorneqartunik KNI A/S-ip tigusinerata kingunerisaanik ajorluinnartumik ingerlasoqalerneranut?
- 2) Inatsisartut aalajangernerattut Arctic Green Food A/S –mi aammalu RAB A/S-imu pigisat nalillit tamarmik tunniunneqarpat?
- 3) Aarlerinartoqarpa KNI A/S-ip 2006-imu ukiup affaanut siullermut amigartoorutai 75 mio. kr.-it missaani amerlassuseqartut ukiumut naatsorsuutini suli amerlanerussasut?  
Taamaannissaa ilimagineqarpat taava qanoq amerlatigisunik  
amigartoortoqassangatisisoqarpa?
- 4) KNI A/S-ip akiliisinnaassuseqarnera ullumikkut qanoq ippa?
- 5) KNI A/S aningaaserivinnut qanoq taarsigassarsiaqarpa?
- 6) Aningaasatigut ajorluinnartumik inisisimasoqarnera suliffeqarfissuup nunaqarfinni avinngarusimasunilu kiffartuussineranut ajorseriaateqartitsissava?
- 7) Qanoq ittunik tunngavilersuuteqarlutik KNI A/S-ip siulersuisuisa aalajangiuppaat suliffeqarfissuup pisortaanera ingerlaannartumik atuutilersumik suliunnaartinneqassasoq?
- 8) Suliffeqarfissuup aningaasatigut killiffia ajorluinnartoq tunngavigalugu siulersuisuinut annertunerusumik kinguneqassava? Taamaassimassappat qanoq?
- 9) Suliffeqarfissuup aningaasatigut killiffia ajorluinnartoq tunngavigalugu Arctic Green Food A/S-ip siulersuisuinut aqutsisuinullu kinguneqassava? Taamaassimassappat qanoq?
- 10) Suliffeqarfissuup aningaasatigut killiffia ajorluinnartoq tunngavigalugu Assartuivik A/S siulersuisuinut aqutsisuinullu kinguneqassava? Taamaassimassappat qanoq?

Piaartumik akineqarnissarput naatsorsuutigaarput, akissutillu ukununnga nassiunneqassasut kissaatigaarput: [aus@gh.gl](mailto:aus@gh.gl) [krje@gh.gl](mailto:krje@gh.gl) [thok@gh.gl](mailto:thok@gh.gl) [gora@gh.gl](mailto:gora@gh.gl) [ekri@gh.gl](mailto:ekri@gh.gl) kiisalu [landstinget@gh.gl](mailto:landstinget@gh.gl)

Qujanaq.